



— ეჰიჰო, რაღაც ავადმყოფობა დაჩივდა, ქველ ნაცნობებს ვე-  
ლარ ვცნობ!  
— მომილოტავს დაწინაურება!



ტელეფონო, დღე და წამი დაგელოცოს დაბადების! — ყურთან ზიხარ, სახადი ხარ, რა იოლად გადამდები! ტელეფონო, შენით ვიგებთ ამა სოფლის ჭორს და მართალს! ასი კაცი არ ეყოფა, რასაც შენი დისკო მართავს! ტელეფონო, სასწაულო საუკუნის (მეოცისა), ყოვლისმსმენო, სად იტყვი, რომ შენ არ წაჭყოფ შავ-შავ ცხვირსა?! გაგიკეთებთ ხელკავს თუკი, უმალ შენი მონა გვექვია! ტელეფონი დღეს ოჯახის, კაბინეტის მონარქია! ტელეფონო, სულსა დაფავ, შუბლს გისველებს ოფლი სიმწრის, შენი ხმით და შენი ზარით ზოგი ხარობს, ზოგი იწვის! არ თხოულობ, — შენ არც იცი კარგად გემო შევბუღების, — მშვიდად გვიძინავს აგარაკზე, შენ თუ საღად გვეგულები! ტელეფონო, ჩემს ტვინშიაც რეკავს შენი დედოზარი, თუმცა... მგონი, გამეჩხირა ყელში ბოდმის დინოზავრი! რაკი ხელი ტელეფონთან თითქმის ყველას მიუწვდება, ზოგი ყურმილს გულის ძილშიც არ იცილებს, მიუწვება. ტელეფონით ხტუნავს სკამზე, ტელეფონით იცვლის სკამებს, ტელეფონით ჩასვს შტატში (ზარი შტატსაც აზანზარებს!) ტელეფონით შემოურბენს ევრაზიას გარდიგარდმო, ტელეფონით გამოუყვანს გაზ-24-ს კაცი სანდო. მასზე უკეთ არეინ იცის რეკვის ფასი, რეკვის გეში, ზის და გრძელ ზარს, თვიდან თვემდე, ყარაულობს სავარძელში! ტელეფონში იცვლის პოზას, ხმას — ბარიტონს; პროფილს, ანფასს, საწყობებს და მალაზიებს ტელეფონით გადაზაფრავს. ტელეფონით ბევრი მისი მეგობარი გაითვალა, მტერს, თუ... კბილი ტელეფონში ერთხელ მაინც დაგივალა! ტელეფონით ცხრა მთას იქით გადასძახა, შეადწია, ზოგს ღიმილი, მავანს ფული, მავანს — ოქრო შეაწია!... ხან ჩასძახებს, ჩასჩიჩინებს, ეფერება ყურმილს შორით, იბღინძება, იჩუტება ტელეფონით, ტელეფონით!..

შენ რას გერჩი, ტელეფონო, სიტყვას სხვაგან ვაცურებო, — თქვენთან, თქვენზე, თქვენთვის ვრეკავ ტელეფონაკაცუნებო!

ვცხოვრობთ თბილისში, ორჯონიკიძის რაიონში, ყიფშიძის ქუჩაზე № 8 სახლში. კეთილმოწყობილ და მყუდრო ბინებში უკვე სამი წელია სიმყუდროვე დაირღვა. სამკვდრო-სასიცოცხლო ომი გვაქვს გამოცხადებული კალიასავით მორავლებულ მოსუქებულ-მომძლავრებულ ვირთხებთან. ისინი უკვე მეხუთე სართულამდე ამოვიდნენ. კარებს რომ არ ვუღებთ, ფანჯრიდან შემოდინ. ბავშვები და მოხუცები გავხიზნეთ, ჩვენ შევიარაღდით, მაგრამ მტრის რიცხოზრივი უპირატესობა თავისას შვრება. დასაზმარებლად მივმართეთ ქალაქის საღებზინფექციო სადგურის პროფდებზანყოფილებას, რომელმაც ტექნიკის უკანასკნელი სიმძლავრის გამოყენება დაავალა ორჯონიკიძის რაიონის დეზუპუნქტს, ამ უკანასკნელმა კი მოძველებული, ძალაგამოლეული ბუზების დასახოცი სითხე იხმარა, რამაც უფრო გააღიზიანა, ისედაც ჩვენს მიმართ აგრესიულად განწყობილი ვირთხები.

გთხოვთ დაგვეხმაროთ, წინააღმდეგ შემთხვევაში იძულებული ვიქნებით შევისწავლოთ ვირთხების ენა და მოლაპარაკება ვაწარმოოთ, რათა შეცვალონ მიმართულება და ახლა გეზი ორჯონიკიძის რაიონის დეზუპუნქტისკენ აიღონ.

რუსთაველის, შექსპირის, ჭავჭავაძის, გორკის, წერეთლის, ვაჟაფშაველას, გალაქტიონის და სხვა მრავალი მწერლისა და პოეტის წიგნები დატყვევებული გაგრის საქალაქო საბავშვო ბიბლიოთეკაში. შეკრულ-შებოჭილი, გადაუშლელი, დამტვერიანებული, მკითხველს მონატრებული წიგნები ელიან შევლას და მოწყალებას. ამის შესახებ გაზეთ „ავანგარდის“ ფურცლებზე დაიბეჭდა კრიტიკული წერილები — 1975 წლის 27 თებერვალს და 1976 წლის 30 სექტემბერს. ორ წერილს ერთი სამიზნე ჰქონდა: გაგრის საქალაქო საბავშვო ბიბლიოთეკის კეთილმოწყობა, 23 ათასი წიგნის გადარჩენა წვიმისა და ქარისაგან. სამწუხაროდ, ადგილობრივ პრესაში გამოქვეყნებული კრიტიკა დარჩა ვითარც დაღლი უდაბნოსა შიგან.

საინტერესოა, რას გვიპასუხებს გაგრის ქალაქის საბჭო და მისი სამშენებლო-სარემონტო კანტორა. იქნებ იფიქრონ, ორჯერ გამოქვეყნდა პრესაში და მერე რა მოხდა, მესამეჯერაც ერთ ყურ-

ში შევუშვებთ და მეორეში გავუშვებთო. ამ შემთხვევაში ვარაუდი ვერ გამართლებს.


თბილისში წითელ პარტიზანთა № 12-ში მდებარე სახლს სახურავი აქვს დაზიანებული და მეშვიდე სართულზე მცხოვრებნი პარტიზანებივით ღია ცის ქვეშ ვცხოვრობთ. საოჯახო ნივთები (ტაშტი, სარეცხის ქვაბი და გობი) მაქსიმალურად გვაქვს გამოყენებული წვიმის წყლის დასაგროვებლად. ნათქვამია, ზოგი ჭირი მარგებელიაო და ონკანში წნევის ნაკლებობას სახურავიდან ჩამონადენი წყალი ავსებს. სახლმმართველობაში სიარულით და თხოვნით დავიღალეთ (ორჯონიკიძის რაიონის სახლმმართველობა № 75. სახლმმართველი კ. ჭიჭინაძე) გვპირდებიან სახურავის შეკეთებას, მაგრამ უკვე რამდენიმე წელია დაპირება დაპირებად რჩება.

შანი სინარულიძე

ნან. შ. ღვინაძის



— ოქრო გაღაბაპრა, თუ ვერცხლი?  
— ჰინსი, მკიმი!



— ხანძარს ეძებენ?  
— არა, წყალს!

ახალმოსახლეობა რომ ვიფიქროს, ჩემი ნინიკო ორი თვისა იყო. როგორც კი ერთი წელი შეუსრულდა, ბავაში წავიყვანე. მეც პირველად შევაღე სამსახურის კარი და პირველად გადავბარე ტბელი. ბედნიერება, აბა, სხვა რა არის? — ქმარ-შვილი კარგი მყავს, ბინაც კარგი მაქვს. საღარდებელი და სამწუხარო რაღა დამარჩა? ჩემს ოცნებას ფრთები შეეხსა!

კარგად მახსოვს, იმ დღეს ხელფასს არიგებდნენ. საღაროსთან დიდი გამოცოცხლება იყო. ვინ სიმღერით მიიჩქაროდა, ვინ ოხუნჯობდა... ახალგაზრდობა გეგმას აწყობდა, სად ვიქეიფოთო. თითქმის ყველანი კარგ გუნებაზე იყვნენ, მხოლოდ თითო-ორი რაღა განაწყენებულა: ისინი უხალისოდ მიიზღაწენდნენ საღაროსთან მჯდომ ქალბატონ ნატოსთან, ყველას მამიდას რომ ეძახიან! ნატო ფულს კრეფდა ჩვენი კოლექტივის ერთ-ერთი წევრის მამის გარდაცვალების გამო. მამა, როგორ?! დაუმარხავს ხომ არ დატოვებს?! ქელები ხომ უნდა გადაუხადოს?!

დღე დღეს მისდევს. მე კი ვოცნებობ იმ ხანატრედ წუთზე, როცა ხელფასს ავიღებ და ოჯახს რაიმე სამახსოვრო ნივთს შევმატებ.

ისე სწრაფად გაიბრინა ორმა კვირამ, ხელფასის მისაღებად რომ დამიძახეს, გასიკვრიდა და კიდევ გამიხარდა. მაგრამ სიხარული ხანმოკლე აღმოჩნდა. მოლარის გვერდზე ჩასაფრებულმა „ყველას მამიდა ნატომ“ მიმიხმო. მეც სიტყვის პატრონი მევაღესავით წარვდექი მის წინაშე და შევუდექი „ვალის“ ვასტუმრებას: თანამშრომლის გარდაცვლილი მამის დასამარხად — ეს ერთი, ეთერის ახალშობილის საჩუქრისათვის — ეს ორი, ქეთინოს დაბადების დღის საჩუქრისათვის — ეს სამი...

ჩემი სიხარული მწუხარებამ შეცვალა. გაუთვალისწინებელმა ხარკებმა შეამცირეს ჩემი ბიუჯეტი. არც ეს მაკმარებს და იმით მანუგეშებს, რომ, როგორც ახალ თანამშრომელს, პირველ ხელფასზე ნახე-

ვარი გადამახდევინეს, დანარჩენი მეორე ხელფასზე უნდა გადამხადო. გავიფიქროს კი მქონდა ამ დაწესებულებაში „ვი-ტრადიციის“ შესახებ, მაგრამ ფაქტის წინაშე რომ აღმოვჩნდი, მაინც მემწარა...

ბავშვის წამოსაყვანად ბავაში მივედი. მოსაცდელში დარბაისელი ქალი გამომელაპარაკა. მკითხა, რომელ რეჟიმში იყო ჩემი ნინიკო. თურმე მისი ბავშვი ჩემს გოგონასთან ერთად ყოფილა. ძალიან გაუხარდა. ცოტა ხანში უკვე შინაურით მიიბრუნა: „საიდუმლო უნდა გავანდოთ! მოგეხსენებათ, რომ ყველგან — სკოლებში, დაწესებულებებში თუ ბავა-ბაღებში საჩუქრისთვის ფულს აგროვებენ. ჩვენც გადავწყვიტეთ. შევაგროვოთ ფული და ჩვენი ბავშვების აღზრდელს ბავშვთა დაცვის დღისთვის საჩუქარი ვუყიდოთ. თუ ფული თან არა გექვთ, არა უშავს, თქვენს მაგივრად მე დავდებ!“

... ორ თვეზე მეტი იქნება, ჩემი ძმა და რძალი არ მენახა. მომენატრენ ძმისშვილები. მათ ახლობლებში სასიარულოდ სად სცალიათ, ხუთი შვილის მშობლებს ზედმეტი დრო როგორ ექნებათ? გულმა მათკენ დამიწვია. კარებში შემომეგებნენ რძალი და საბავშვო ბაღის ასაკის პატა და თამარიკო. მალე სკოლიდან მოვიდნენ ეთერი, გოგი და დათო. ერთმანეთს არ აცლიდნენ, სამივენი ფულს ითხოვდნენ საჩუქრისათვის. არც მუსიკის მასწავლებელი დაივიწყეს. თვალები დავხუტე და ოცნებას მივცეი თავი... მომაგონდა, დაქორწინებამდე როგორ ვოცნებობდით მე და ვაჟა მრავალშვილიანი მშობლები გავმხდარიყავით. ის იყო, ხელი უნდა ამეღო ამ განზრახვაზე, რომ უცებ ცეცხლი მომეკიდა... არა, მაინც ჩვენ რატომ უნდა ავიღოთ ხელი ჩვენს განზრახვაზე? უშკობები არ იქნება, ეს ვაი-ტრადიცია დავგმოთ? ვიცე, მრავალნი დამიბჭერენ მხარს, ბრძოლას გამოუცხადებენ ამ მაცნე ჩვეულებას და ჩვენც გავხდებით მრავალშვილიანი მშობლები!

გივი ჩირაძე

# ჭიქა ბორჯომის წყალი

უხარმახარ, გადამეტებულად მორთულ დარბაზში მმართველი თათბირს ატარებდა. მის წინ მწვანე მაუღვალაფარებულ მაგიდაზე ბორჯომის წყლით სავსე ბოთლი და ბროლის ჭიქა იდგა. არაეინ უწყაოდა მმართველის დამოკიდებულება ბორჯომის წყლისადმი, მაგრამ თანამშრომლობისათვის ცხადი იყო, ბორჯომის წყლით ხანგასმული იყო მისი უპირატესობა მათ მიმართ. ეს აზრი მათ უფროსის მელოტმა მოადგილემ ჩააგონათ და შემდეგ თანდათან განუმტკიცდა, როცა მისივე წყალობით ბორჯომის წყლით სავსე ბოთლი მმართველის მაგიდაზე ურყევ ტრადიციით იქცა.

მმართველი დამრიგებლური ტონით ესაუბრებოდა მისკენ სახით მიხრილ თანამშრომლებს. საუბრობდა თავის დამსახურებაზე ზემდგომ ორგანოებში, საიდანაც ახლანან მობრუნებულიყო, რომ მისმა საქმიანმა შენიშვნებმა დიდი კამათი გამოიწვია და მოწონება დაიმსახურა. მოკრძალებულ სიჩუმეს ოდნავი შრიალი არღვევდა, რასაც მმართველის თანხმობის ნიშნად თანამშრომლების თავების რხევა იწვევდა.

მოწონების დასტურში განსაკუთრებულად აქტივობდა მმართველის მელოტი მოადგილე, რომელიც ადგილზე ცმუჯავდა და მოქუთუთი თვლებიდან უცნაურ ნაბერწყლებს აფრქვევდა. დარბაზის უხარმახარი კარი უხმაუროდ გაიღო. ჯერ მდივანი ქალის გაბურჯნებული თავი გამოჩნდა და მკისვე მიიხალა, ხოლო შემდეგ დინკა, თავდაჯერებული ნაბიჯებით კაბინეტში ახოვანი ჭადარა კაცი, უწყების მინისტრი შემო-

ვიდა, რომელმაც კაბინეტის კუთხეში მიდგმული სავარძელი დაიკავა. დარბაზში უხერხული სიჩუმე ჩამოვარდა... უხერხულად შეიშმუნა მმართველიც, თითქოს ბავშვს ცელებზე წაასწრესო, სახეზე მედიდურობის იერი გაუქრა და თანამშრომლებმა ახლა შენიშნეს, რომ მმართველს მარჯვენა თვალი და წარბი უფრო მაღლა, შუბლთან ახლოს ჰქონდა, ვიდრე მარცხენა. მარცხენა ყბა კი შესამჩნევად დაგრძელებოდა. პაუზის შემდეგ მელოტმა მოადგილემ მმართველს რაღაც წასჩურჩულა და მანაც ენის ოდნავი ბორძიკით კრებას აუწყა, რომ თათბირს მინისტრი ესწრებაო. ამის გამოცხადება ძლივს მოასწრო, მელოტი მოადგილე ფეხზე წამოიჭრა. მმართველის მაგიდაზე მდგომ ბორჯომის ბოთლს და ჭიქას ხელი წამოავლო და ოფიციალტის მოქნილობით მინისტრის სავარძლის წინ პატარა მაგიდაზე დადგა. შემდეგ მზერა მმართველისაკენ გააპარა. არაეინ იცის, მოწონების თუ პროტესტის ნიშნად მმართველის სახემ რაღაც გაურკვეველი გამომეტყველება მიიღო. მელოტმა მოადგილემ ეს პროტესტად ჩათვალა და მდგომარეობის გამოსასწორებლად ბოთლი ჭიქაში ჩააპირქვავა და პირთამდე სავსე ჭიქა აკრობატული სიზუსტით გადაატარა თავზე იქვე მჯდომ მმართველის პირველ მოადგილეს და მმართველის წინ მაგიდაზე დადგა. მინისტრმა ფანქარი ოდნავ შესამჩნევი ნერვიულობით შეათამაშა და ბლოკნოტში რაღაც ჩაიწინა, მელოტი მოადგილე სკამზე დაეშვა და გაიყინა. უკან რიგებში ჩურჩული გაისმა. მმართველმა ჭიქას ხელი დაავლო და ტანის უხერხული მოძრაობით მინისტრის წინ მაგიდაზე დადგა, შემდეგ ოდნავ წახრილი თავის მაგიდას მიუახლოვდა და სიტყვა თავის პირველ მოადგილეს მისცა, თვითონ სავარძელში დაეშვა და გაირინდა.

პირველი მოადგილის ლაპარაკი არაეინს მოუხმენია. ღრუბლებიდან მზემ გამოანათა. მზის სხივებზე გამოჩნდა მელოტი მოადგილის დაცვარული თავი და კისერი.

მინისტრის წინ ბორჯომის წყლით სავსე ჭიქა საბედისწეროდ კიაფობდა.

გ. ბორჯომელი




— მაგის ხელში წიგნი არ დამინახავს და რომორ ჩააპარა მანქანაზე გამოსცა?!  
— მხუთე კლასიდან სპორტლოტოს თაგამობს და გამომსდელ მანქანაზე ოთხ ციფრს ვეღარ გამოიტყობდა?!



# მეხ მახინჯა


თუმც გამოცდებმა მარგუნა ბევრი ოხვრა და კვნესა მე, — შვილი მესამედ ვერ მოხვდა, გამოფურცუხდა მესამედ, ჩაიჭრა პირველ წელიწადს, არ ეყო ცოდნის „ბაგაჟი“, მეორედ ქულა დააკლდა მაპროფილებელ საგანში, მესამედ ისევ ჩაიჭრა და შინ დაბრუნდა განგაშით! აღარ დავეძებ, არ ვწუხვარ, რაც დღე დამადგა ბნელით, მართალი უთქვამთ, რომ ზოგი ჭირია მარგებელით: მიშველა შვილის ჩაჭრამა, გული სიამით ივსება, გამწყურალი ნათესაობა შემომირიგდა ისევა. „რას მოაწყობდი ჩვენს შვილებს, შე პირქვე დასამარხავო, ვერ მოგიწყვია შენიცა, ყოფილხარ მართლა გლახაო!“ — ამბობენ მოურიდებლად, თან ჭიხვინებენ კვიცივით, მეც მეცინება ხანდახან, მათ ლაპარაკზე ვიციანი.

## ნოდარ ზამანაძე




— სანამ ოფიცინატი მოგემსახურებთ, ამით შეიქცით თაქი!

ნ. ბ. ზირცხალავანი




1-7

ნ. ბ. კუტიანი



უსიტყვოდ



ნ. ბ. მხვალაშვილისა

უსიტყვოდ

# მივლინება

ტრამვის გაჩერებაზე ბოროლასავით ყურებამოყრილი ვიდექი. ტაქსი ტორედორივით გადამეღობა.  
 — გარაჟში ვერ წამიყვან? — გავუყარე თვალი თვალში.  
 — ოღონდ ეგ არ მიხსენო და რაც გინდა მთხოვე! — „სტოგრაშივით“ მაჯახა მძღოლმა.  
 — მე გარაჟი მინდა!  
 — გარაჟი არ ვიცი მე, თუ გინდა, მესამე მასივში წაგიყვან!  
 — გარაჟი, გარაჟი და მხოლოდ გარაჟი! — ავევირდი მთელი ძალით.  
 — ამ შუალამისას რა გარაჟი ავიტყდა, ავად ხომ არა ხარ? — გაოცებით შემომხედა მძღოლმა და წასვლა დააპირა, მაგრამ ვინ აცალა: სწრაფად კარებს ვეცი და მანქანაში მოვკალათ-ლი.  
 — გარაჟში წახვალ! — ვუბრძანე მძღოლს.  
 — მე მესამე მასივში მივდივარ! — გაჩიუტდა იგი და მანქანა ჩართო. ასე არ გინდა-მეთქი, გულში გავიფიქრე და მანქანის გასაღები ღრე-ჩოდან გამოვგლიჯე, ჭიბუში ჩავიდე.

— ბიჭო, რა მოუვიდა გგბი-შენს?  
 — ნიგოზს ნაკვდა და ია-ტაქი ჩაქნება!

— იცოდე, გარაჟში წამიყვან! — ჩაზეღე თვალბში.  
 — არ წაგიყვან! — დამხედა მკლავებზე.  
 — მაშინ კარგად იყავი! — დავეშვიდობე მძღოლს და თვალით ვანიშნე, მანქანიდან გადასულიყო. მას რალაცის თქმა უნდოდა, მაგრამ ჩემი უზომოდ განიერი მხარბეჭის დანახვაზე, იძულებული გახდა, ტაქტიკა შეეცვალა:  
 — კაი, ბატონო, იყავი მანდ, თუ არ მოგწყინდება! — თქვა და მანქანიდან გადავიდა, შემდეგ ქუჩის მეორე მხარეს გადაირბინა და პირველივე შემხვედრ ავტობუსს შეახტა.  
 მეც ეს მინდოდა, მოხერხებულად მოვეწყე სალონში, ჩავრთე მონტე-კარლოს საესტრადო პროგრამა და სალვადორე ადამოს „თოვლი ცვივა“-ს რიტმებში ტკბილად ჩავთვლიე.  
 მეორე დილას, გაღვიძებისთანავე მძღოლის ძებნას შევუდექი, მაგრამ მისი კვალიც კი ვერ აღმოვაჩინე. ამიტომ მანქანა სახალხო რაზმელს ჩავაბარე და სამმართველოსაკენ გავეშურე სამსახურებრივ საქმეებზე. ეს ჩემი მივლინების უკანასკნელი დღე იყო ამ ქალაქში. გუშინ კი... სასტუმროში ადგილი რომ ვერ ვიპოვე, იმიტომ მოვიქეცი ასე, აბა, რა მექნა?

ქალაქის სტუმრებო! ერთ საიდუმლოს გაგიხვებით! თუ მაღალ-მაღალ სასტუმროებს ვერ გამოჰკრავთ კლანქს, ძალიან ნუ დალონდებით, რადგან თქვენს განკარგულებაში იქნება ახალი, ულტრათანამედროვე სუპერსასტუმროები — „ოტელ-გარაჟები“, რომლებიც ალტურვილნი არიან შესანიშნავად მოძრავი გაზ-24-მანქანა-სალონ-ლუქს-ნომრებით. მათი გამოყენებით სურვილისამებრ შეგეძლება, დამე გაათითო ქალაქის ნებისმიერ ისტორიულ და არაისტორიულ უბანში! საიდუმლო მე რომ გაქიმბილეთ, სუ! არსად წამოგცდეთ!



ნაყოფიერი შრომის შემდეგ რომ კულტურულად დაისვენოს კაცმა, სოფელს კულტურის სახლი და აბანო უნდა ჰქონდეს, ბიბლიოთეკაზე და მაღაზიაზე რომ არაფერი ვთქვათ. ჩვენ კი ამ სიამოვნებას მოკლებულნი ვართ.

- გურჯაანი, სოფ. კარდანახი.
- გურჯაანი, სოფ. ჩიმიტი.
- მცხეთა, სოფ. აღდგომიანთკარი.
- ქარელი, სოფ. პირველი წვერი.

— გამოღმით ჩვენ ვართ, გაღმით სკოლა, მაღაზია, სასოფლო საბჭო, — მღერიან ჭიათურის რაიონის სოფ. ბერეთისელები. მათ ბანს აძლევენ ხობის რაიონის სოფ. ხამისკურელები, გორის რაიონის სოფ. ატენისჯებირის უბნელები, ქობულეთის რაიონის სოფ. ბობოყვათელები და ითხოვენ ზიდის გაკეთებას მდინარე დუმალაზე, სახალიკოზე, ტანაზე, დეხვაზე.

ქუჩა ისეთი მტვრიანი და გაფუჭებულია, რომ ვერ ვერკვევით ხანდახან გამოჩენილი ავტობუსი მართლა მოდის თუ გვეჩვენება. ავტობუსი რომ ცუდად მოძრაობს, არც გვიკვირს, ასეთი გზა ავტობუსს კი არა, მუხლუხა ტანკს გამოიყვანს მწყობრიდან.

სოხუმი, ბზიფის გზატკეცილი, № 49.  
ხარაგაული, სოფ. ფონი.

ყოველთვის რომ მთვარიანი ღამე იყოს, ჩვენს გაჭირვებას მაინც ვერ უშველის: ტელევიზორი, უთო, მაცივარი და სხვა ელექტროხელსაწყოები მთვარის შუქით ხომ არ იმუშავებენ?

- თერჯოლა, სოფ. რუფოთი,
- თერჯოლა, სოფ. საზანო,
- გ. და შ. გოგბერაშვილები.

კოლექტიური სალაში ნიანგს! იძულებულნი ვართ იძულებით უარი ვთქვათ ტელევიზორებზე, რადგანაც ცისფერი ეკრანი სიამოვნების მაგივრად ნერვებს გვიშლის.

რა გახდა ნორმალური ტელეანტენის დადგმა? ჩვენც მოვისვენებთ და თქვენც აღარ შეგაწუხებთ.

- ამბროლაური, სოფ. წესი
- ასპინძა, სოფ. ნაქალაქევი.
- ახმეტა, სოფ. ჩაბინაანი.
- ლენტეხი, სოფ. სახა.

და კიდევ ერთი კოლექტიური:

... გადათხრილ-ატალახებული მისასვლელები, წყლით ამოვსებული სარდაფები, ბათქაშაცვენილი სადარბაზოები, პარკეტაყრილი იატაკები, გამსკდარ-გაგლეჯილი კანალიზაციის მიწები, კოლოებისაგან დაკბენილი ბავშვები, აღშფოთებული მცხოვრებლები.

მისამართი: ქ. თბილისი, III მასივი, მე-9 კვარტალი, მე-5 კორპუსი.

კოლექტიურ წერილს ხელს აწერს 32 მოქალაქე, რომელიც 32 ოჯახს წარმოადგენს.



— ჩემი უფროსია, გუშინ გამარჯობა ვუთხარი და დღეს ხელს მიწვდის!

### წერილების კვადრატად

— წყალს ნახევარი კილომეტრის მანძილიდან ვეზიდებით. ზოგჯერ იქაც არ არის, — წერდნენ რედაქციას ლაზოს ქუჩის № 3 სახლის მცხოვრებნი. წერილი დაიბეჭდა „ნიანგის“ მე-7 ნომერში.

თბილისის კომუნალური გაერთიანების საწარმოო სამმართველო „თბილწყალკანალიდან“ გვატყობინებენ, რომ შამპანური ღვინოების ქარხანამ, დახარჯული წყლის ღირებულების გადაუხდელობის გამო, ლაზოს ქ. № 3 სახლს შეუწყვიტა წყლის მიწოდება.

ამუშადა, საქმე მოგვარებულია და ლაზოს ქ. № 3-ის მცხოვრებნი წყალს შეუფერხებლად ღებულობენ.

ჩვენი ჟურნალის მე-5 ნომერში დაიბეჭდა ონის რაიონის სოფ. ღარის მშრომელთა საჩივარი — ღარში წყალი არ მოდისო.

ონის რაიონის მშრომელთა დეპუტატების საბჭოს აღმასკომმა გვაცნობა, რომ სათანადო ღონისძიებები ტარდება, რის შემდეგაც სოფ. ღარის ღარში წყალი სისტემატურად იდენსო.

„ნიანგის“ მე-10 ნომერში გამოქვეყნებულ ბარათში ბორჯომის რაიონის სოფ. ყვიბისის ახალგაზრდობა „ნიანგს“ ისეთი ბურთის შოვნას სთხოვდა, რომელიც აბტომა-დაბტომის დროს მეზობელ ეზოში არ გადახტებოდა.

ყვიბისის მშრომელთა დეპუტატების სასოფლო საბჭოს აღმასკომიდან გვატყობინებენ, სტადიონის მეზობლად მდებარე ეზო ისეთი მაღალი მავთულის ბადით შემოიღობება, რომ ბურთი ვეღარ გადავარდებაო. კოლმეურნეობის კლუბი, სადაც კინოსურათებს უჩვენებენ, შეკეთდა, ხოლო მალე სოფელ ყვიბისში ოთხასადგილიანი კულტურის სახლი აშენდებაო.



77-579

ეროვნული  
ბიბლიოთეკა

Индекс 76137

ესპანეთის ოცდასამი პოლიტიკური, პროფკავშირული და საზოგადოებრივი ორგანიზაციის წარმომადგენლებმა მოუწოდეს ქვეყნის მშრომლებს მონაწილეობა მიიღონ ესპანეთის წულებში ჩილეს სამხედრო-საზღვაო ძალების სასწავლო გემის „ესმერალდას“ ყოფნის წინააღმდეგ საპროტესტო კამპანიაში. დოკუმენტის ავტორებმა მოუწოდეს მუშებს, სოლიდარობა გამოუცხადონ ჩილელ ხალხს, რომელიც იბრძვის მოფაშისტო მხედრონის ჩაგვრისაგან განთავისუფლებისათვის.



„ესმერალდას“ გასტროლუმი



მთავარი რედაქტორი ზურაბ გეგაზაშვილი სახელმძღვანელო კოლეგია: ჯ. გომიგაძე (მთ. რედ. მთადგილე), ჯ. კაციაშვილი, ჯ. ლომუა, ზ. ლომიძე, ნ. მაღალაშვილი (მხატვ. რედ.), ზ. ნიჟარაძე, ზ. სისხრულიძე (პ/მგ. მდივანი), ზ. ფირცხალავა, თ. ჯალიძე.  
 ● ტექნიკური რედაქტორი ა. გუგუშვილი, ● საბიძისა და იუზორის შურნალი „ნიანგი“. ● თბილისი, რუსთაველის პროსპექტი № 42, ● საქართველოს კვ. ც-ის გამომცემლობა. ● გადაეცა ასაწყობად 25/VII-77 წ. ხელმოწერილია დასაბეჭდად 19/VIII-77 წ. ქაღალდის ზომა 70x108/8 ფიზიკური ნაბეჭდი ფურცელი 2. სააღრიცხვო-საგამომცემლო თაბახი 1.7 ● საქართველოს კვ. ც-ის გამომცემლობის სტამბა, თბილისი, ლენინის ქ. 14. ● შეკვ. 2447 უფ. 00790 ტირ. 141.000 ● თბილისი, პრ. რუსთაველი № 42, Сатирико-юмористический журнал «Ниянги». ● Издательство ЦК КП Грузии. ● Типография Издательства ЦК КП Грузии, Тбилиси, ул. Ленина № 14.  
 ტელეფონები: 99-76-69, 93-19-42, 93-10-78, 93-49-32. რედაქციაში შემოთავაზებული მასალები ავტორებს არ უბრუნდებათ.

ნახატი თემების ავტორები: მ. აბაშიძე, მ. დვინაძე, თ. კორჭალიძე, გ. კონტრამიძე, ე. კუციანი, მ. მლინაშვილი, მ. მჭედლოშვილი, ი. კოკაშვილი, მ. ცოტაძე.

